

集部

たいとりまれたち 一 欽定四庫全書 知 軍父之野而見棄魚之俗則知子賤之政矣履中 境而見維 縣 備忘集卷六 附録 知 矢口 縣然評 縣之事一夫不獲誰辜一民失所子咎所以 馴之休則知魯恭之政矣為政不同而 備忘集 明 海瑞 撰

是矣一旦綰华通得 縣之譜哉良由萬物 丘鬼覆盆中鮮鵠亭冤為民開必得之門明必死之 金牙口厅 不外乎敬天勤民之念且災異上則減膳撤樂譴告 蠲 **應聲不哀鼠牙無訟則政簡而刑清矣此豈家有治** 獨必哀飢 寒必恤不骩 , 取多方抬剋以充囊素股生民之膏填溪壑之欲 租求言凡曆斯民之責者體上天之意而與咻 とうする 邑遂沾沾然色喜埋沒真心 體之懷而誠求之也乃今則 法不私 錢肺石下無 梧

非 真認真生怨取禍不顧朝廷之背否以鄉愿之道待其 身以鄉愿之道待吾子吾長兄弟浮沈取名竊取官爵 道若謂止可潔已不可潔人潔人生誇謂所行不可認 長兄弟下而吏書里老百姓人等吾子姓遇之各有正 上而朝廷吾父母中而撫按潘泉僚屬過客鄉士夫吾 古矣官能清乎槐根齊矣馬骨高乎食酷若此殊不 甚至有鍾乳三千胡椒八百之誚而不顧者嗚呼縣則 知縣也本縣初意直欲以聖賢之所已言者據守行 矢口

次足口戶 AM

備忘集

官以縣及名益謂 賣妻鬻子未有完事之日時時聽訟小民爭關趨利未 非所 孟 猶存徒有其心未行其事徒有其事未見其功誦法孔 有息訟之期感孚之道簿而民不化燭奸之智淺而弊 之自謂效可還至迄今四載中夜返思日日 幼學之壯行之期月而可三年有成有深愧焉俗吏 縣承參評 以語我若曰稱知縣職則全未也 縣事宜與知縣和東協濟承流而 催徵小民

宣化之也誠靖共爾位無悉厥職好官自我為之安知 とこりまとり 治縣之績無一足紀是上人子惠元元之意不能承而 退之所謂涉筆占位署惟謹惟長官之聴漫不可否事 每見時可共言為之卷舌事可獨任為之却步有如韓 耶瑞自下車日竊心鄙之註我寮列備官而未之講耶 計爵禄賄賂奪魄動心國病民冤如聲如啞縣及之謂 縣之事知縣之責亦縣及之責也如未入官門先營家 不與鳴琴而治者大展雷封之畧哉是縣丞之事亦知

宣之也非縣及也 有錢則寬徵無錢則急比且計糧數之多寡而繭絲之 科登膴仕徒玷官常耳餘無容覼縷如錢穀一書宜出 17, 主簿者掌一縣簿書之事也雖位有崇卑職有詳要夫 舒定匹库全書 人莫不有真性率真而行之即古所謂僅得一官亦可 明允無恃孔子會計當之說苟勾結錯亂追呼朦朧 試苟不盡分稱職金玉其外而敗絮其內也即防巍 主簿參評

翼畫夜惟勤棲僅一 禄微而謀大黑白出於脣吻曲直任其心胸指良為盜 典史掌巡捕民間盗賊爭鬬微事盡屬之所當小心翼 諾諾僅供公之喜怒也哉非主簿也 為已歐利欺肺石之無言辣林之哭置不恤焉何以 () () 以自主徒老死於簿書間也又何異於王珣輩唯唯 **大封小封以為常規之入焉是憑家兄為驅使了不** 典史參評 111 枝飲惟滿腹而巳若位卑而言高 備忘集

能如尼父設教洙泗人三千王通演教河汾士八百即 教官掌一邑之教一邑之臃腫薄質俱賴其陶成況門 其臟爭鬪罰之紙不幾乎祥符之五鬼乎非典史也 民長上哉况屈一夫冤一婦天之霜旱隨之為民上者 淳邑簪纓濟濟不為少矣掌學教者謂可安閒以自 下皆俊傑之秀乎所事事几俗吏簿書詞訟不同雖 可不緣此為兢兢歟且又偏聽衙蠹相助朘削盜賊分 教官參評

一銀定四庫全書

文章由道德發出事功從學問做來有神於國家有濟 為家計初入學則索其贄見之儀既入學則需其送節 於諸士子之上典籍無傳模範不端虛縻歲月為身謀 奇矣見諸生唱飲呼盧逐羶蠅管則有之所謂經義治 |於生民亦以見學優則仕之明驗也瑞仕淳邑一 會課切磋琢磨使之義理明而心性醇異日登之仕路 乎應將經書性鑑子史諸集與羣弟子朝夕講習月 事齊忠臣孝子録情然罔聞也是誰之過與若寄空 精念集 一載有 E

|欽定匹庫全書 物無夫礼此陰陽所為福國也若今則不然矣古有男 徳主送陰徳主閉調而變之無愆陰無伏陽人 行有蘇子容激水轉輪之智而後知星辰之躔次故陽 陰陽官測日晷星候別昏曉雨賜早晚氣節以占 哉非教官也 之禮於諸士子無毫末補焉亦何以克稱廣文之職也 之機祥而決趨避焉故有平子之推算而後渾天之説 陰陽官參評 無災厲

醫者業軒歧之業心天地之心察病症脈理識樂性以 陽也 陰陽是假陰陽不測之術而行籠絡巫氏之計也非陰 之理情如也不幾與古陰陽之設大逕庭哉以是而 於朔望月蝕大旱舞雩時而需索夫巫氏焉問以陰 政焉近因周禮久廢今陰陽官納銀充之希圖罔利每 公人可阿拉山町 巫掌望祀望衍授號巫女掌歲時祓除釁浴春官司厥 醫官祭評 備忘集 陽 稱

多分四月月十 技窮矣更為之詭其計曰備諸龍中得之無不效但皆 幸遇病魔稍退舎則揚然自誇曰真不龜手也迫久之 利一邑之病故起太子於暴壓之項識豎子於膏肓 有心為醫者無恒哉以是醫人是以既死之心醫未死 值龍宫物因而索價之高也而病如故也夫非求醫者 病竊發請復之或弦洪或沈濇懵然無下手而鼯鼠之 之所謂醫者不識標本不諳經絡取人之病而妄治之 際以之醫國可醫人可醫龍鱗醫虎口有何不可乃今

非醫官也 之人也然則夫人之夫札反不如南陽甘谷中之老數 古有虎溪三老香山九老此老而無與於民也聖製老 老人參評 鄉之事皆老人之事也於民最親於耳目最

人之設

近誰善誰惡洞悉之矣尤擇一

醇謹端亮者為之以年

A CITIES TO THE CONTRACTOR

之曰申明亭朔望登之以從事焉是不計仇非不避親

備忘集

則老識則老而語練時務則又老有渠人因構一亭書

至兩 金少口屋台書 名而智則反落孱口龆亂下也非老人也 訴 以錢神為使鬼希圖差勘瞞官作弊以肥私囊間有投 移風俗之大機括而鄉落無夜舞之鮲鱔矣乃今老人 毋任口雌黄不憑臆曲直善則旌之惡則簡之此亦轉 焉嗣是公道不昭貞邪莫辨嗟夫人也以位則居老之 此行酒食曰吾飽吾腹矣彼私賄賂曰吾豐吾袖矣 詞俱備狐疑莫決徬徨四顧不能出 里長参評 一語以 相 IE.

苦與共之情焉有臂指相使之勢焉誰貧誰富誰困苦誰 制立 L'ilaine Lita يناك 長五等之長並建登之版籍以供賦稅之入也我朝規 古有五家為軟十軌為里里中有長此里長與比長節 瘡剜肉之慘甲內之老稚皆得本里之老而長養之矣 流誰人錢糧多寡誰人丁口消長彼盡知之諸凡差 無私向有天理心里既無索瘕洗垢之岢甲自無醫 總其數於里長而為之徵輸焉若果不好錢不刻 都圖即有十老里戶而甲戶幇之里之甲有甘 備忘集

取錢無心撫恤致使村野蕭條甲首流離剥其子以厚 弊以欺府縣事止利已則假府縣名色而剥甲首百計 者偏為回該善柔者不行扶持事兼利已則同甲首作 售其奸詭之謀或妄開甲幹以陰行其賄賂之街有錢 正體國奉公者為之可也倘憑勢作威當大役而有壯 好縣官孰能如之者乎則里長之設當如周之里宰黨 其身竭澤而漁明年尚有魚乎非里長也 丁之重派應卯酉而有連累之誅求或混扶甲首以顯

金分四月在書

ALANDER LILIN 身求以盡之如飢之必食渴之必飲有負而必求其酬 之青亦萃於一人君子之仕也彼萬物之青身有之故 **崇利也夫天地所以生一物即所以生萬物之理故** 子者則鮮其人焉何上之人意在得賢而士之所希在 族待之不為不厚矣至求士之可以潤澤生民還報天 我國家奉士醫官學之師儒優之廪禄復其身及其宗 人之身而萬物之理備焉萬物之理備於一人故萬物 生員參評 備忘集

三今上人之鼓舞諸士子者盡聲勢也細推論之多不 之不固窮居之所以自脩自養有彰彰然著者試舉 間傳則士脩之始壞之終間亦有之然大縣不美之士 **慕榮途患得患失靡所不至不能不壞焉夫如柳子河** 子之仕以榮身及親當之意向一差是以百端施用無 金丘四周全書 不必獻身天子之庭然後人可得而知之講之不明守 有約而必求其踐不得已而然也今人不以行義視君 一而可昔人謂士非不脩之家也至應舉入官耽利禄

我類焉習戰國背公死黨之風更不知孔門不止不 今凡事有與於秀才者不論是非可否輒羣起而曰護 大焉將無乞之乎謂義則與眾與之助之成事可也而 **比之墙間之乞相去何如然則入官之後其為利更有** 優免如途費非士子所宜與也今越分而求且紛紛焉 協義士子遂羣然而曰是能作與我輩人也是待士之 厚人也然則入官之後其聲勢更有大焉將無慕之乎 上而朝廷待士之恩下而有司義起之典如補増廪如 衛忘集

欽定四庫全書 比以壞國事乎施於有政是亦為政今士子之施於家 之然則入官之後其徇私其植黨更有利焉將無胥朋 之義小人學道則易使秀才學道今人顧以極難管目 廷作養之恩非生員也 者叙倫理治恩義若之何也議者比秀才為閨女孟子 人有不為後可有為意也今之秀才不為處女而為淫 亦多矣以若所為求若所欲負天地生人之義孤朝 吏書祭評 N.

常例愈多猾吏巧於騙財執偶中之事以愚小民小民暗 禮智之道同於聖賢者喪之盡矣非吏書也 時以狗吏呼之賤之也一為吏而天之所以生人仁義 Willows Like 吏書常例上而二司無按文上而六部寺院衙門愈大其 美意則及人之惠比之一介之士遠矣何今之為吏者 主書寫文移掌簿籍預縣事古稱庶人之在官者果有 昔人謂一介之士苟存心於利物於人必有所濟吏書 每以得利為誇惟以得利為誇故百端作弊無所不至 備忘集

可見一 獨不為之小民何等人也彼見夫紛紛做官人裹金帛 也彼見夫內外縉紳之流開騙局以賂於人多矣而 以身先之不可免也謂之以身先之者何吏書何等人 然問是有胳與否小有犯者與者受者重刑加焉而又 非 府為主吏書為主見一人偶以吏書而禍遂謂無胳則不 於事體不知上人之心何心不知官府中內面文移是官 金好四月全書 日茍非上人逐一簿記所賂之事遇若事則諄諄 罪偶得吏書而免遂謂有胳則可吏猾民愚弊 何

1.75.7 是亦不可以已乎潛消點化之機誠在於上不在於下 獨不為之小民之愚可怪我輩讀書知禮義識事幾人 謂鄉為身死而不受今謂所識窮乏者得我為之分貲 耶京官有分貨之費是以外官書帕不得已受焉孟子 而又盡惟上官之賂也三五年考察吏部能盡不點之 而盡不為上官之路也吏部能盡不遷轉之耶舉天下 也紛紛之說皆謂要做官則不得不如是然則舉天下 以賂人欺朝廷而竊榮禄罔朝廷以免刑罪多矣而何 4

經神之常例不去而去吏書之常例不可得也 金万里居有書 !! 備忘集卷六

欽定四庫全書編卷集卷大至

詳校官監察御史臣陳 化龍 侍讀臣孫球覆勘

總校官降調編修臣 倉聖脉 校對官助教日陳 木 腾绿監生日張 友相

次足口其心情可 之嚴謹而宗風 雜說 嚴師教 ... 學在君師紹明絕 備心集 固足重也若人 腊馬此 明 歐陽永叔祖韓昌 海瑞 學在宗師至於 能攻我之病 撰

謂也女今亦小寓於其間矣入府縣而得錢易易馬宮 浩然之氣塞乎蒼冥果何至是得力於師友者良多也 我又能受人之攻非義友耶故尼父以善為芝蘭城除 聖人我師一一放而行之非今所競躋巍科陟膴仕之 夫人外無師友之盆而欲所行之協於道亦難矣瑞為 以惡為樂石君子能隆師親友則霧掃空澄纖毫不苟 天地之間者乎有此生必求無忝此生而後可無忝者 懼 旦名神立腔子下誨之曰瑞女知女之得生於

欽定四軍全書 頭 質是常而有媚心馬無能以義自元乎参之衣於務而 已乎窮天地亘古今而不顧者終亦不然乎夫人 有配心馬忘我之為重乎或疾中而氣餒馬不能長江 者 有利達不能無競心乎諱已之疾凡百所事不免於私 不能行抑行則愧影寢則愧食徒對人口語以自雄乎 河浩浩然而莫禦矣乎小有得則於能在人而忌前 易之乎財帛世界無能此中流之砥乎將言者而 動其心於此乎昔有所操今或為怙恼 備忘果 八非無

先矣天以完節付女而女不能以全體將之亦奚顏以 君子之不能絕人逃世情也然文侯子美 掃 逕 摊 篲以 列天下為之奔趨馬無足齒也嗚呼瑞有一 立于天地間耶俯首索氣縱其一 賄之患而無令德之難於此有 反箴規啐詈之諍爾旁 客位告辭 一復斯言凛若嚴師丁寧夏楚之暫爾上紛如直 卷 舉而終已於卿相之 馬下虧厨形上辱爾 於此不 如

飲定四車全書 1 之正須諸賢者提擬之力也顧無能以正道旁格 當予心有日矣近有一二執此行者私自謂雖聖人復 固疾之夫瑞之所守豈偶然哉其不能以怕怕而易决 於賢聖之域清夜揣較猶天地間不才子也而 起不可易也其織節所係尚無能特然拔鄙俗以超 **云乎哉瑞自幻少能知識意竊有執馬紛紛世態其不** 迎孔北海亦有座客常滿之辛若不可 \非聖人幾做之不能自省一時之昏以怠者有 備忘果 日無馬者情 或以

陳登無客主意小人欲臥百尺樓上臥君於地瑞非敢 以此誦於下執事亦其共成天地間 ut 三子之從游於吾者何為哉天之生此人 婦即用是惴惕以箴規磨切之道為諸賢者望故 介懷念也有終鮮克雖瑞寧無一 訓諸子說 '說居不疑而進馬嘻薰精冰炭之不相能固矣 卷七 口儒大 日若柳子所云 一克似子 也而百責 目 th

然自謂足以當之而無歉者然學求以復其良而已 U 於科第者人恒壯之此學異自而來哉瑞於諸子有 馬今之從事於學有以聖賢自許者乎而決狀元進士 先得者而問馬其不免日程課於文藝者蓋有司須此 以貢士發揮而滋泳之於此與有力也其售不售不與 先後其事也人 治心此不師而師之嚴切者諸子謂無以過我而師 之雅於經授或未盡馬而的躬屬行人之模範敢侈 Ī 八非生而知之者孰能了此無感故從其

孟 文識陳語為後日富貴故鄉之計視百責於我何如縱 心自之間往來不置或者充養之有機乎不然徒級酸 馬或可稽之經傳質之子史反之清夜瑩靈之氣固徒 金定四庫全書 四 免有怯心馬則志立而氣不充也仲由不配縕袍之立 備在方册踴躍於諷咏而不能以自己昂昂然張膽明 目直欲毫髮終行之此日新之地也行之而牽於俗不 曰吾惟師之從要亦敬馬而已聖賢以識真誨人其說 軻競大人伯夷之敢於非聖人而不顧時舉而服之 THE PARTY OF THE P

職雖當有志於聖賢之學而賢魯力薄終未能至於其 延平府南平縣儒學教諭海 為申明教約事照得當 色念而詞件馬聖人不計也二三子何以復我 幸事師無犯無隱宪其何以至於若此乎若子之無恥 妄失其初馬者也孔子桿子路而有惡聲不入於耳之 富贵利達而妻妾之羞泣從馬真心也施施而騎其妻 舉而進立於卿相之列吾為二三子配之矣夫求 教約

釞定四庫全書 之所得今官也一無以為諸軍子勵馬夫何以稱用是 間環顧其中無可以表率人者但志圖補答一二而例 降是亦今日事也為教她日久諸弟子之不信吾說也 師自處諸第子今有一日之雅當以從今自盡一一遵 為修進助者取為諸第子論之本職欽承明命請以嚴 不然亦豈敢以姑息從事輕則威行夏楚重則無請點 悚惕强自飭躬求是以為觀法地矣外有一得可持以 而強行之本職籍成以免尸職之責本職幸也如其 **18** 8

為諸弟子嚴之 學問之道朱子所揭於白鹿洞學者五教之目父 計開 其誼不謀其利明其道不計其功處事之要已所 言忠信行篤敬懲忿窒毯遷善改過修身之要正 為學之序博學之審問之慎思之明辯之篤行之 子有親君臣有義夫婦有別長幻有序朋友有信 不欲勿施於人行有不得反求諸已接物之要太

とこうこ ここ

領応集

金贞四库全書 為存心設法也損年圖進此心已陷於不誠不 也自恕則於此不能無戾試舉一事如册報類減 之道無他求其放心而已矣蓋言所知所行無非 通弊自該也然徳之不修機實在此孟子曰學問 年歲甚者冒他方籍頂他人名原殿心未始不以 知聖門之教有在而每援事之無害於義從俗可 **縣備矣諸生率此而行夫何學之不進第今人** 地矣更學何事君子之過也如日月之食馬請

とこりしたうし 聖門之學在知行德行屬行講學屬知慎自修的 者决無不講之學真實讀書者肯桑身於小人之 色從實寫報本學請提學道另行更造册籍諸生 歸乎是故知行非有二道也然今稱德行文章則 之氣為質為聖異日為國家建偉業無難矣 乎不達而復自此無不慷心之事集義以生浩然 為改圖約諸生五日内一一將年甲籍貫三代脚 凢素行類此者亦痛自湔洗勿以惡小而為之庶 備后集

金好四月全世 當有辯孔子曰過我門而不入我室我不憾馬者 其惟鄉原乎居之似忠信行之似廉潔此其為 **克圖利之行孟子養浩然之氣平日以不見諸侯** 第之為則出入衙門把持官長攻訐他人長短逞 稱一凢人頌之自以為喜而陷於此者耶至吾輩 之所謂義氣人者又自可笑非傲慢猛悍不遜不 自守或人申根之對孔子曰根也然爲得剛諸第 一概也今俗則惟此是譽諸第子寧無若柳子所

文也者所以寫吾之意也吾平日讀書體認道理 汝貸 非中和氣象孟子善養浩然之氣論七篇者曰泰 過畫師之寫神者耳孔子涵養至到論語之言莫 明白立心行已正大光明吾之神也作而為文不 本學申請弁先行稟說者縱有司見客本職亦不 子請于此辯之今後凢一應優免訏告等事不由 山巌巌馬蓋自所見所養出之莫加毫末於間也

多定匹庫全書 W 則取夙所記憶者改竄首尾影響模範就文求題 孔孟之文天下至文論語七篇後人作文之法也 日為天下用諸士日逐管營必小有裨補後可乃 行事間所言又無者實地步夫朝廷養士蓋欲異 則題意不可得求人則人品不可知将舉而見之 今則舍此不務不求之心而求之講章墨卷臨文 今一生讀書作文於家國身心無毫毛補盆謂之 何哉昔之評詩者曰可惜一生心用在五字工愚

學以知為先讀書所以致知也昔輔漢卿會粹未 其梧櫃而養其貳棘則為賤場師馬請試思之俟 子平日教人之法定為六條日居敬持志曰循序 緊用力無之前博學審問數事讀書之法無越此 漸進口熟讀精思日虚心涵詠曰切已體察曰著 而取之他人者縱極詞華亦如朴戒 本職酌取數篇為式日後仍踵前弊不流之自中 於此亦云竟為濫惡之物以欺人非工之良也舍

銀定四庫全書 减通鑑再次者减經非甚不得已必宿號宿號者 學十里內者朔望赴學背復半月以前書送半月 為三應日課諸生自量資力次者減性理再次者 矣今與諸生約將四書本經通鑑性理分為十二 作課用已午時將作課發落前課不在號生員去 兩日背書一次復書一次畢講書用長時三六九 以前課在十里外者月考赴學後一日背復一 分應月考又自一月中分為二應朔望講書又分

7 書送一月課發落月考在再考次日辰時取便村 行之 是本職編定無得擾越將明唱名平明命題唱名 居生員也發落課亦同考用二十九日凡位次俱 者就先人之已試而立之法非作無盆也諸年子 過至者責准考封門後至者從不到考者論作課 規矩亦同諸凡程限正欲諸生著監用力而又不 失於驟迫若居敬持志四事則作文皆復有可驗

銀定匹庫全書 體用原無二道明經體也以之商確世務必有道 治事分教蘇湖其第子多適世用今之三場五策 列者量將邊防水利等事每月約討論一二本職 世務無賴者亦奚怪乎諸生如經史稍通堪居仕 正其事也乃今則徒懸括帖以應矣朝有多士而 之有不能中肯於而盡事情者昔胡安定以經義 矣第經術縣言其理世務非一一自其事而講求 就中命策考試否亦於背復時詰其所以然今之

生慎之 生凡遇一應聖壽正旦等事并在學家居見官間 為養盡的之道莫非進學養心中急事也今後諸 孔子曰君子不重則不威學則不固盖內外交相 及至推其極亦不過強善以俟後人一步而已諸 多矣古孟軻以輔世自處謀事齊楚則曰非否所 處拱揖拜立皆必如禮其有放縱不檢者除在學 攻議世務舉伯者之說也自謂適用而不知其謬 简白集

銀定四庫全書 遂致斯禮斯盡今後生員之家值兒婚等事敢不 冠婚丧於之禮廢外矣所以久廢之故正以無士 者之雅俗從而效之無所紛華於世者則於不舉 糾責外本職訪知亦行重治 **九可惡夫本職拳拳於諸生者龔淑天下人也乃** 行禀併不依禮而行者痛治之其以父兄託詞者 今不能淑一二親父兄郎諸生異日將為朝廷治 為之倡率也益小民未當學問知禮義見越禮

古者執贄以相見明有敬也别第子之有求於師 求教官為朝廷設教不謂諸弟子不求而不教也諸 者可無敬敗然受命以教與此則又不同蓋師生 生參見拜揖外不許更執貨物以進凡俗例所云 足與有為可知矣 分定朝廷為諸第子求師不待諸第子將敬而後 平天下也乃今不能小小以禮齊家即此等人不

次已日本 A

送節酒食饌先生者俱不許舉行夫朝廷設有教

鱼灰巴瓜石電 學校類置公堂銀兩盖於生員之冠婚入學幫補 請先以道義處人 諸生寧無小貴乎有力者當共助之義也今反科 起復等事酌為科飲以充學中費也夫冠婚等事 諸人也一介不以與諸人也諸生欲以道義自處 伊尹耕於有革之野而樂堯舜之道一介不以取 官將謂為爾諸生盆也寧曰剥諸生以肥教官耶 剥其道何在或又謂無公堂銀則諸師費用無自

然而行人口碑之賢者得以光不朽矣不賢而歌 賢則諸生以文章為事歌之詠之傳之序之又不 賢上官然執帳文而歸正賈誼所謂牆屋被文繡 出猶之可也一應上司級帳於何取之夫上官果 配之本職誠不欲諸生為此不情舉動也延平多 帳文應頌其美私居則痛計其過匿怨友人孔子 頌及馬是諸生思見一路之哭減是非心矣且今 可痛哭流涕者而諸生獨何喜為之今日以革公

大日日年から

備后集

多切巴尼石電 諸生接見上人會典諸書明有禮節今後於明倫 堂見官不許行跪學前迎接亦然本學在郭外接 於諸生無與也 堂為怠帳文次之上人有緣是怪責者責在本職 勿得免冠叩頭奴顏家免自貶士氣蓋不特本職 許再同有司行三日揖有犯於各衙門罪人也亦 官不許離關門出郊野憲司官至本縣一見後不 力能為諸生立一赤幟位尊者德必大其遵制方

了 シュニー 九一應祭祀等事禮生升齊的書人員俱本職表 鄉賢名宦孝子節婦朝廷在之禮之所以彰先德 屬後人也有未舉者諸生商確舉之舉之未正者 射利又不心論矣 為該之曰 也諸弟子無恐 不得不舍禮以媚人馬是亦以小人心度君子腹 公自行編取諸生但有言及者必加重責其因之 介書生可以生於人可以死於人有 備忘集 **P**

動定匹库全書 ■ 諸生人泉本職稽考不能經久記憶今立大簿二 耶學校公論所自出諸弟子行之 扇一稽徳一考學稽徳簿記諸生某月某日行某 商確請廢之知而不言異日將何以直言天下事 記忘相半責幾記少忘多責幾考課之記如之寫 考學簿記月日背復何書全記并記多忘少責幾 好事果月某日行某不好事責幾禮貌得失附馬 字敬簡附馬歲終執此歷歷播驗來酌書之三等

炎已日華在馬 諸生住居學左前後右某街某老第幾家城中某 之責 更為一大賞罰諸生失之前宜補之後不可當頑 幾里書館如之師某與某生員同會一一具帖同 街县巷第幾家約去學幾里某村第幾家約去學 **鈍無恥之責有厥初求一於終不可當始勤終怠** 呼喚之節諸生家之所行學之所習亦或緣此有 年籍送學俟本職投之於簿此益非獨以為號課 備忘果

金女口压 台灣 1 學更職在供寫文案今後紙筆費用俱係本職區 知也 處敢有因幇補等事索取生員一 職養諸生如父母深閨養處子任爾納賂生其利 洗文卷次無輕貸夫上人每每賤更正為趨利酷 心學校地光明潔净容爾一賤更私為污穢理必 也我於人無不爱且敬况爾之有勞於我耶弟 不然也爾慎思之 錢并為生員改

子之福也本職離師友得此其感報當如之何 賴孔子於商賜有起予之嘆惡聲不入於耳於子 規我者不在左右矣識見旨愚心志怠忽是將奚 路致欣幸馬諸生如不以我長而難言匡之翼之 之道也子第獨無愛父兄之心耶本職無似顛領 以上條約大縣也本職初至學中某善可與某弊 今官師目而視昔之教戒我者不在上矣昔之箴 凡所示條約無非欲諸生立有成就又兄愛子第

父子ううこう

金分巴居石官 備忘集卷七 條別為更定 可革尚永盡識容與諸生會議并參酌提學道教 卷七

とこりたと言う 直道提身視斯民由已飢寒耶厥辟不為堯舜矢孙忠 守海北無管海南道左祭政徐應奎谕祭南京都察院 維萬極十六年十一月初二日皇帝遣廣東布政司分 右都御史贈太子少保諡忠介海瑞曰惟爾髙標絕俗 欽定四庫全書 附録 備忘集卷八 御製祭葬文

歆服 守海北魚管海南道左參政徐應奎諭葬南京都察院 京之望素絲無涤東然先進之風綜銓務而議主懲貪 維萬歷十六年十一月初五日皇帝遣廣東布政司分 清奈九泉之莫及特颁祭葬爰賁始終不昧爾靈尚其 領法臺而政先膧弊若金在冶雖百煉之愈堅俟河之 之志迨起家於再聚乃浹蔵而三遷巖石具瞻卓爾舊 而叩闕抗言争日月之光出百死以昼朝攬轡勵澄清

金グロルと言い

書傅希擊刑部尚書李世達工部尚書石星都察院左 兄兄の日人·江山丁 · 維萬歷十五年歲次丁亥十二月し卯朔越祭日年日 部尚書宋纁兵部尚書王一點協理京營我政兵部尚 太子少保吏部尚書楊魏太子少保禮部尚書沈鯉户 之痛載頒御祭特示眷思惟爾明靈歌兹渥典 右都御史贈太子少保諡忠介海瑞曰爾介節清風老 而彌属直群正氣及且猶生迨兹歸室之期盆較遺籍 **徐文** 備忘集

侍郎自同亨右侍郎李輔通政使掌司事工部右侍郎 侍郎楊俊民右侍郎蕭大亨刑部左侍郎陳瓒工部左 習庶古士朱廣吏部右侍郎趙煥户部左侍郎温純總 讀學士王弘海太子賓客吏部左侍郎無侍讀學士教 張孟男都察院左副都御史魏時亮左愈都御史詹仰 侍讀學士子慎行右侍郎無侍讀學士徐顯卿兵部左 督倉場左侍郎胡執禮右侍郎孫丕楊禮部左侍郎無 都御史吳時來掌詹事府太子賓客禮部左侍郎無侍

金牙口压石量

容先皇嗣服首拔獄中廷尉納言中丞出撫剪右 12 ... 10 ml 1.. 1.. 御史贈太子少保益忠介剛峰海老先生之靈口惟 性帛之儀致於于明故資善大夫南京都察院右都 庇大理寺卿孫雖左通政趙世卿右通政黃克念左 年以敢諫著威觸雷霆分甘刀鋸園扉長繁正志從 公廉貞之氣鍾於南方挺生哲人直毅以剛嘉靖 尚思右少卿許子良左寺丞孝棟右寺丞吳定謹以 参議田蕙右珍議李觀光陳大科大理寺左少卿李 備忘集

疏皇於慰留民望所聚天胡不怒一夢逍遥計來自 白報我軒堯庶幾百辟是式是標方公乞骸先後七 息陪都茶毒莫如火夫痛行裁革民用以甦一心精 帛以挽澆滴公介盆堅千仞壁立側耳生風豺狼屏 賄惟汝片玉以戢魑魅口子有民俗以侈移惟汝東 務進總憲章帝曰遗直鎮我南方曰予有吏職墮於 那龍蟠虎伏十七八載光不終含恭荷宸采起佐銓 貪士民歌舞居無幾何增口孔多若火于水世情則

金分四周全書

端公事已定公名已完以葬以祭增秩予諡朝士争 JŁ 請呈恩示異余單誼則察友景行如何生不可即寄 維萬極十五年歲次丁亥十月丙辰朔越二十二日丁 冥行者心侧官居 罪罪檢資厚與公節良告公行實 南天子報朝己酉之冬丘公觀化公胡為者相邀泉 丑南京都察院右副都御史王用汲經歷司經歷江沛 下畴如二公旅室蕭條靈施千里孰臨孰招居者持 挽歌尚餐

九色日草 全

q

備忘集

等道監察御史方萬山党傑李一陽田一麟潘維岳黄 然司務廳司務蔡如川照磨所照磨潘元度南京河南 刻宿蠹峻印景餘惟時多艱職競斯力氣奪朱雲犀工 靈曰嗚呼惟公挺生瓊海萬夫之特鳴鐸南屏長揖郡 正色王藩臣謹以剛覺柔毛清酌庶饈之儀致祭于明 力抗殭禦人醉我醒爰騰清譽聲聞上馳粉署攸司日 伯眼空一世天植孤操雨室劇色撫字心勞不侮於寡 改資善大夫南京都察院右都御史剛拳海老先生之

たとう

是三丁豆 二丁 籍故里天格睿聖圖惟舊臣海濱應韶風采猶新總憲 留臺執法不忒無縱詭隨紀綱南國點首歸仁當宁切 **陨壽宜天保為國具瞻奪我黃者胡然而然都邑驚心** 大布廳糲是飱以公之操何啻伊尹嚴視一介千金不 倚屢疏未俞一夕乃死嗚呼以公之儉何啻公孫躬被 三吳東鐵樂獅銷魂直道難客人言繼起不客何病抽 駕乃憶几干曰旌骨鯁中使賜琛存歷卿寺超秩朱輪 動色忠言逆耳身罹狴犴聖主寬恩何怨何歎肅皇晏 維萬歷十七年二月十五日欽差總督兩廣軍務無理 等生乎公後夙仰高風共事一堂觀德維躬肅肅其儀 庭止尚饗 嚴嚴裁立允矣君子是於是式條爾長逝百計莫留憶 霄壤同人質愚好醌朝菌冥靈人為公惜乃公則腹汲 名譬彼江流萬古長清誰云無後而傳不朽譬彼鍾山 給紳失望計聞廊廟南顧悼喪嗚呼誰云公貧而有今 公慷慨虹雅雲浮敬奠一觞聊中私鄙公靈不昧陟降

金贝四四全世

道此砥柱于中流迴在瀾于既倒而裒然擅天下之奇 山之律崒毓珠海之洪浩剛大塞乎天地鴻龐挽乎 致祭于明故南京都察院右都御史贈太子少保諡忠 非所謂其人哉天下皆男子而或淟恐依違如脂如韋 院右於都御史侍生劉繼文謹以剛嚴柔毛香帛之儀 ·波而流隨風而靡則男子而婦人也若公者其挺 剛翁海老先生之墓口嗚呼古稱天下奇男子者 1. JO red 1. Jip 備忘集

植鉤帯管鹽法魚巡撫廣東地方兵部右侍郎魚都察

撫鎮之奇標哉萋非交侵徜徉泉石特起鈴 震怒鼎錢如飴繁囚靡顧斯郎曹之奇節哉存登卿寺 邑宰而奇于政也繼司粉署机麟抗疏折指乘與雷霆 而奇于教也及军海安再移興國家僕負薪惟民提福 者乎公魏科奮跡振鐸南平長揖郡伯氣節稜稜厚 **买裁革浮華謳歌四溢竒勛歸于八座 矣爰總憲臺** 江左滔淞溥澤郵強植儒教翰魂消豺狼氣挫 卿 風猷

多员四周全書

心奇之嗣是仰公作用愈出愈奇今觀風兹土欲瞻依 鼎委而聲名垂之史册則公之彪竒選異者永永霄 無極矣于公復何憾耶繼文西江筮仕北覲聯鑣業 諡养祭皇揆鑒其忠尸祝俎豆赤庶銘其德勲業鐫之 而公固以天下為家萬世為續廼盆見其竒也兹馬贈 不自覺其奇也知而惜公者或謂四壁蕭然 或謂沾直要譽矯情戾俗而公固率之天性盟之幽 表于三臺矣嗚呼公真天下奇男子哉不知而該公者 ì 1.1 嗣不足

尚饗 金灰四月全書 先生老大人之靈曰公真天下奇男子哉抗疏世宗批 既而開制整顏風振綱常公豈博美官而已哉歸老無 帛性醴庶羞之儀致祭于南京都察院右都御史海者 差刑部雲南清吏司署員外郎事主事朱天應謹以香 維萬歷十六年歲次戊子三月甲申朔越六日已五欽 而不可得謹述公之所為竒者臨風寄誄共為天下悲 ₹蘇言今昔不敢言九死不回公豈直捐生以博名哉 **J**

而催成一 之統而天胡不永公之傳天將使公以億萬載為壽以 天造朝廷之福而天胡不頤公之身公為穆宗正萬樓 了事公之所為時人異之駭者駁思者是而其節益堅 百千忠臣美士為裔哉應奉天命欽恤兹土概泰山之 縁野塘再起勵金石操時欲修前人未有業補前生未 公真天下奇男子哉其猶冰壺秋月一 類嗟典刑之日遠望南告真公其散哉公其散哉尚 7 報生乎後者匪公之植熟識公之心哉公為 腑青天自總角

多定匹库全書 形而所不能盡揚花者則公至誠動物之心蓋公之學 狀而讚或紀而銘先後真車軸楮無算莫非風德之流 老先生之墓曰嗚呼我公生平大致已楊花于人人或 京都察院右都御史贈太子少保諡忠介尊師剛峯海 以剛鼠柔毛性體庶羞之儀致祭于明故資善大夫南 墳塋魚赍諭祭文行人司行人門下鄉晚生許子偉謹 維萬恐十六年歲次戊子仲冬月朔有七日欽差督造 V

戒懼于不睹不聞之地而獨覺天理之真公之行蟬蛇 蘇松金陵之屬成祖丘之而因以見公之得民自交口 典慰厝之而因以見公之得君自與國祠之淳安像之 信公道幾蝕而暴明故自顯爵錫之鐵盜發之雄文重 乎自私自利之塗而戰追乎邃古之英士論始疑而竟 外之朋情公素所重者忠孝廉節而皆為公有公素所 頌之文章直之輓歌哈詞偷播遐通而因以見公得中 輕者爵禄名壽而皆為公膺即此生之志遂知九土之

銀定四庫全書 福建延平府南平縣儒學為區處兵後地方以絕後患 承欽命載妥公靈雖請恭之常職度報德之夙襟其旦 圖久安事緣本職會試未第曾具奏蒙兵部奉聖古行 竭虔誠以對越者惟公所釐敢嗚呼哀哉尚饗 夕祗事斷以追譴採鼻者惟公所嘿相而兹菲陳稱薦 目暝俾後公生 者咀之有餘味而聞之有餘罄子偉叨 補遗 申海南道陳雙山文 卷 1

.... 用憮然今已至任未得言者請為臺下言之夫瓊州府 日不得 起日相值不得已更日求見奈門者拒之咫尺間候二 或可成也時臺下往雷州府候清軍察院旋瓊與本職 撫按守巡道從公計議後授今職母光在堂便道歸省 下試思天下有此等心腹疾而能一 且冀得一至臺奏所未盡并不可先言者一 縣外旋黎岐中處正皇甫規所謂虺蛇入室馬者 接思憑過期始渡海北上中途每思及此深 横包 集 日安者即無愁 誦之事

然以三州十縣制黎則又干谿萬徑皆可施功五裂四 多定匹庫全書 其故有四全無志者不必論大約令人官居類傳舍至 五七年功成千萬年逸臺下試思天下有此等用力少 獲利多事而可舍不為者耶黎潰則三州十縣舉受禍 分柄執在我臺下試思天下有此等反掌易事而可曰 三州十縣可寧諡去二三萬黎人安五十六萬百姓加 可能者耶然自國初至今日竟無一 心影響問見熬岐難處遂終以難處視 人擔當此者 何

為輩十發十中敵之為難英雄豪傑當先為而不為是 60 c. 10 12 1.1.1 猶難况兵戈危險不知其易妄意其難思及存亡呼吸 則無故二也平素攻舉子業未當留心經署民事區處 林木茂宏通之為難妄信人言謂黎人強衆出沒千百 為主一也詢訪未的妄信人言謂黎岐地方闊山嶺峻 黎五年七年事也慕榮途之速心敬遅難之一見先入 又慮黎平我去後萬一事出不虞邀功起釁人 膽喪矣不復為謀三也其有思得其方志立功業者 僧 忠 集 將置我

情然不識地利險阻兵行法糧隨費致上人以白面書 生笑之一 多员匹厚全遣 屢矣迄無能取信上人者何其故有三雷同平黎之說 三也二者皆非矣臺下誠能以必為為志於本職奏疏 不行毋乃議事易處事難歟致上人以紙上空談視之 何地目前成功後當顯禍四也自國初以至今日言者 也誌書歷載諸人議論然其人亦有可為地步言之 一說東遺了西中南差了北上人因其二盡疑其 也津津然說平黎易究竟所以見其 不見

謂提督府不與我以地方兵糧乎夫本職云調廣西土 兵廣東漢違官軍量撥一次大征銀糧之半此據人皆 孰與干萬世功名一世之榮孰與干萬年廟食臺下欲 由彼此琴互不用其三借三以壯吾膽鄙笑其四借四 求其心執此說之故於不擔當之四深求泉不擔當之 上兵部圖統治黎第一道少致意馬且於不可信之三 不為之得耶本職言盡矣然尚疑臺下有憚心馬寧非 以深吾謀將見及掌事炯然臺下目中矣夫一時之爵

誰則料之乎夫本職云用兵良亦以勢不在我或生好 終兵行糧隨殊無難事又寧無謂兵事一舉存亡呼 民壯工食權宜區處給其始資恭地米山貨木價給其 衣食棄為盗賊者甚多練集五六月可成精兵借用縣 多定匹庫全書 字自可了事本職思之日外考之日深問之日多事次 可行言耳若臺下兵備之權則不然益瓊民游荡升無 可成成無後患臺下請肚膽行之本職初官遽不得上 玩侮之念大約此舉先易後難隨機鼓舞止用一無 卷1八:

天下之事圖之固貴于有其法而尤在于得其人 中有言未盡者俟到臺日悉馬竒貨可居無越於此臺 下幸勿猶豫 意這等世界究竟做成甚事業母光在堂歸期指 經畫而條理之卓有成緒可考者法之謂也何謂 姑用此語 以黎為竒貨此細人趨功名之心也一時欲激雙山 治黎策圖就有相 相 發明者附記 科中式策也 於此 於奏 疏 八何謂

法 夫蠢兹有衆可以一鼓而擒而直為是廪廪者亦曰地 勢叛服失得之山愚生固曰得其人之為贵何也誠見 所深望者乎夫執事之問革心宣化之圖山川夷險之 其處置之法固所當講而以身任事之人又非瓊人之 銀定四庫全書 所以經畫而係理之卓以成績自許者人之謂也得其 險不可以馳驅兵強不可以禦敵不知自古及今之怒 而不得其法則事必不能行得其法而不得其人則 必不能濟人法無資而天下之治成則夫今之瓊黎

钦定四車全書 有人子今上命赫然舉兵誅之夫以萬全之力視此直 年崖民死徙將盡未有能剿絕而安輯之者尚得謂 里臨敵先期于敗為之也先哨去而後哨改彼欲進 其不足以應敵也明矣故前郎温之敗皆未戰怯 衛所之兵自丘文莊奏不許征調以來今日已 冠茍我不弱天下無強兵茍我術周天下無險地瓊崖 未當不據險以為強自古及今之師亦未當畏險而長 欲退為之也今日之禍雖有以激之使然然猖獗二 俏 忘集 如驕子 聞 栭

固執立州縣之計而已自此之外雖議之之盡其方處 者也故愚生以為今日之計不過堅持開十字道之心 州縣譬之人則心腹之疾也失令不治必將浸淫四潰 而為四肢之患皇甫規所謂虺蛇入室不可一日安馬 株之不拔則未必後日之不如今也夫瓊黎中處琛海 至元屯田立學復起文河之憂毛伏羌提師壓境不開 狐兔耳其束身繫頸計口可待也然愚生之所爱者元 十字之道欲為目前茍安之圖不思萬世無窮之利根

缺足四草全事 一 過曰治土賊之刻削則黎無以為變亂之激夫讀書知 毒夫徭役不擾俯仰足貨固有樂之者况于州縣復為 况于鐵首其戎者乎是奸商雖不可不禁而有不容於 為天刀之資夫利之所在人共趨之雖死有所不顧而 盡禁者矣不過曰禁軍民之逃亡則黎無以深刼奪之 忍而究其所以為說不過曰禁商人之貿易則黎無以 之之盡其術皆下策也何者昔之議者謂盡殲其類為 "歐乎是逃亡雖不可不禁而有不容于終禁者矣不 備总集

暴不一 革心宣化效且遲于百年官吏之遷陟不常人性之貪 知者乎是貪贼雖不可不懲而有不容盡懲者矣始終 無田者但其中其不宜剿滅者徙之于外夫然後為 俁宋者在一 禮義者沒剥良民雖廉配有所不顧而况于土賊之無 所宜来今日大軍之勢首惡既平之後開通十字大路 縣所之可移者移之屯田之可徙者從之遷良民之 以一人之身而思一以徳化之不可以策黎也 和字站為一時撫綏之計不可以策黎也

多りにし

由瓊志歷歷如照愚生欲語而未暇馬狂瞽之見惟執 者亦不過如此而已若夫山川夷險之勢叛服得失之 難也愚生之所憂者如此而已矣而其所以策于執事 宣化也嗚呼此所以得其人之為難而非得其法之為 如前日收兵之速剿除雖盡於小民無所盆也又安知 化云者吾未見州縣之不立十道之未通而可以革心 後日之不如今而復為民害乎又不然而徒曰革心宣 之計而瓊民享無窮之福矣不然今日赫然之舉復

九己日 自己了

戎務有屯糧訟獄是其以衛封圍翊我聖明之治實無 峙益五品秩也兵以干一百計餘人倍徙之所管轄有 聖天子分天下職下都司衛而立之所馬所與州縣錯 金与四屋在書 牧養允釐 役馬行道逐志視州縣有大者今守今下民 事進而教之 莫敢仰视人视之不勝其崇且榮所則不然其故起於 序記 贺景竹王十兵榮膺軍政序

能立哉執義以往天下有莫能禦者况五品之秩森然 之道夫人之参其身於天地中者豈必人之榮我而後 尚者竟亦以莫可奈何付之莫知所以致此之由去此 居之者恒亦愀然不樂曰此奴隷冠裳爾其間志有所 率以坐受爵晃致斥顯顯然中秩之崇反出文雜流下 是從而抑之抑之誠是也沿以成習逐致厚相黨與者 以和心氣也動輒猛悍殘属以凌剥其下撫按藩具用 秩襲父祖不由問學於官守義情無所識且其無理德

火己り日 とかう

備后果

泉之我督者固偉然名進士断断然天下望也彼亦州 武受抑于文者十一我之莫能自立十九也且其所取 張屈抑之勢制足以振品爵之崇故愚嘗以為今日之 之極重有甚爲者吾得以執人心之公而反之理可以 縣之為爾我何人斯而獨不然效殖貨利以求容媚方 以自範者繆戾尤甚既以威莫如州縣該嘆矣乃曰 明也吾得執國制以為倚公理之在人心未嘗泯也勢 媚之行州縣固名文士也我何人斯而獨不然無按藩 剥

金切四屋有電

火己り 日かる 抑也與哉千兵景竹亦有志而付嘆者撫按請于廷而 牽于剝媚之智則吾固參天地人也彼之並且上乎我 者將無穢而奴視之矣吁獨與之角也與哉獨求不我 自守據義以行制而已毅然不該于莫與之微斬然不 其不然乎如恥之莫若師文王為今之策亦曰執制以 則武秩之邈乎其卑而謂盡由於文士之私者其然乎 師大國而恥受命馬是猶第子而恥受命于先師也然 以為庶或可申一二不然甚矣計之良也孟子曰小國 備忘集

贵子然今之教者於聖賢之道則戾蓋自門左之懸久 嗣於其身者能幾言之抑可以已也或者教以成子之 欣於餘慶之說相率徵予言以質馬予曰人生而無以 勉之 屈子年三十餘矣仲秋之夕得嘉夢覺而生子衆咸欣 士之請用是書之以賀天下事亦為之而已矣景竹尚 鱼写四周分言 軍政及馬反此而逐有由矣愚懼其莫知所執也因軍 賀屈元禮生子序 巻い

及己り手人·一 仲尼之所以善於造就也別今所取當于天下之教者 其氣而企之中則難中行不得惟過中之狂士屬心馬 堪之乎是故孟子善養浩然之氣正以為天地四方之 射也漢人因有生男如虎猶恐其鼠之武予非敢以漢 之身矣其負荷若之何也顧沉默之名而精若義者能 之愿符節逐膾炙馬夫天地四方之事舉而屬之男子 糜馬援之道王昶柳玑之誠特書于司馬氏者與鄉習 為適中見也第中人之性振其氣而挽之中也易抑 備后集

方事于此子乎攸寄也用是次之以為質 謂為子孫念光変史册矣而犯者屢馬矧道之見頌于 君實而世又率以為是者誰則挽之諸友鋒然曰元禮 或邈矣謂之能成其子也然乎哉疏少傳不以財遺自 濟水血內雖可保永于世而德義之有於身者去賢聖 金厂口几人目 少學禮知此義者也予亦欣欣然賡餘慶馬幸天地四 何如哉爱其子而深為之計顧以守雌之道進馬以水 樂耕亭記

其事為予誦予訴且喜曰賢哉先生樂耕之意乎而尤 亭於上將以統率僕但之耕非徒取名於此也一旦以 及己日華白旨 嗚呼休哉兹世禄之難也交益父見其聞仁篤儉約之 也嘉靖甲辰之歲于瞻玉堂遺址之西墨客村構樂耕 欲敗禮維縱將深愧弗為馬嗚呼休哉益世禄之尤難 行欣欣然羡馬行且欽崇勅嚴躬詩禮訓殿子敗度維 其誦砥行廉隅之士欣欣然羡馬若有企望弗及之意 始予未接西埜先生意一豢養之人云爾獲交數歲見 忘集

農以生九穀工以利器用商貴通馬而資於天下身不 世成以異端游手目之而不知儒生贵族特甚先生以 居一於此謂之游惰之民游惰之民君子之所不齒也 寒今之為民者五曰士農工商軍士以明道軍以衛國 意不然買子稱一夫不耕或受之飢一女不織或受之 之者則曰不此之葺而顧被管馬裕祖之蟲非孝也予 文莊嫡裔居實丞之際俾自棄於游惰之域以逞無殭 之欲則凡可侈可淫之物罔一不備其為園夫紅女之

蠹可勝痛哉視異端游手之害十百矣維亭有作為耕 官之日可期矣亭扁樂耕豈曰小補哉若夫流連光景 心不忍晚若衣服為布帛之蠹又心不忍厚若聲色之 也且以樂名推斯意也必不及腴若飲食為穀栗之糜 假此亭為聚游之地瞻玉堂有述亦殃也爲乎孝始而 賢而能之乎仁篤儉約親觀之行義清節善行且於反 小物為世禄子所有者咸笑美蘊崇之澌盡矣嗚呼不 娱妄若貨賄之聚為好生傷年彌印德彌崇舉几淫侈

沙己の東上

金号巴匠石電 記 先生之謂乎嗚呼賢矣哉先生曰兹吾志也敬持以為 此矣實有大夫義馬古之人有曰君子居是那不非其 予於東阜先生均業儒友也然東阜令瓊山計七年於 士今而農不為五民之蠹詩曰孝子不匱永錫爾類其 事執春秋筆馬其顯誦於人裂采而贈之者必掩咎為 ,夫自斯言之出也故凡有泣於人者雖心哲淑慝紀 贈林東皐考績序

ク・コラシュンニョー 奏績行也行將擢而之他郡陟而之科之道其統賴有 贈也亦吳盆哉是故東阜惠澤者於人心政聲播於行 底實莫能白之君子之心又若此今欲侈言以為東臯 雖思歷可按者莫之聽馬夫以善惡之相冒若此聲乃 而書之颺歌而体頌之者皆將曰此不非其大夫義也 美增細以巨錐以襲黃召杜顯顯然擬之者實反出嚴 口績業留於郡邑之志瑞不见多為之贅然東臯此以 來下用是善惡武冒莫可憑倚君子習見其然故凡米 備忘集

聞之也去國則哭於墓而後行反其國不哭展墓而 盛哉豈不快哉昔子路去魯謂顏淵曰何以贈我曰吾 多段四母全建 大於瓊山者統賴大則其績之所奏隨之東皐以其迎 良憲諍映耀今古予得以從而鼓舞於其後矣吁豈不 之瓊山大之天下則閩譽達於遐邇功烈著於不刊循 刃而解之才乘迎刃可解之力隨職業之所到執平)所學者毅然行之罔徇身以忘國母私已而棄民小 路口何以處我子路口吾聞之也過墓則式過祀 Ó

とこうとこう 制世御俗所急而且先者惟臣之良婦之節崇顯褒異 "嗟夫人之自立於天地間能以其身為天地萬物之依 者其道有五馬五教貫三才而為一 志絲泉未嘗不壯其競於守而可為頑懦者寓激動也 子為命歷三四紀而念夫之心迄如其始失心天日苦 則下儒有見善以相示者東皐先生何以復我 讀東洲李太僕所為雙節傳觀二母寡於華年依孫 **賛蕭氏一門二節** 通む集 君子重之然聖王 主

金好四月全書 錐金石之堅未能遠過彼夫存之備婦順而家理寧未 類無往非其自立之地馬矣况夫遇有常變君子覘人 能不恃其心可以改醮而他從者顧終守于一志一行 拳拳然持此以為天下勵者是則何故益以義合者而 足為難矣士之從事於上多者計三四十歳少者亦不 1於久近間求之昔人謂慷慨殺身易從客就義難父 之謂也是故夫亡則無所為矣無所為而 餘歲承於顯或停於幽毅然誓不以所職負吾君 一從不移

火色口巨人二丁 所以受人策命之寄而不武乃心者則或解馬易於閨 事馬可也閨中之見視此何若別士之布列在位考其 以應上求者親師友以撤敬酌古今以達疑謂能盡所 輕馬而属世振俗獨於此拳拳馬者亦以其外且大者 以辩婦行之備故君子論人廷之效忠閨之著節無軒 未足為難矣藩宣不悖可以見臣義之終嫡守克堅足 者競於始或渝于後歷年所而心一馬彼殉君於日 身有之五教於斯質馬故兩雖然被士當學問知禮義 備心集 月

氏不改之心奮臣子不悖之義侍御公之造福南專有 如三才所籍以立者而僅於二婦馬寄之則夫祗念母 之所歆楊而不容自己者乎孟子曰百世之下聞者莫 門女子之間難於多士講學之際二貞並幸獨非君子 金切四周全意 必然矣予男人也鼓舞之懷不能自己用是書之以頌 議論 典起也况于親父之者竊慨臣義之哀節守之壞有 泰伯論上

當太王時乃商家盛強之末衰弱之始其天命人心尚 蓄於太王者息之泰伯季歷不得位日後無武王事約 觀兵孟津陳師牧野之為也泰伯無荆蠻之逃則國屬 完固未動所謂剪商亦言乎其志馬耳非爰整其放如 祖甲之時去高宗中與未達後一百有餘年殷始亡則 寶有是志太伯去之夫子亦不當以至德許夫太王當 太王剪商之志金仁山胡雙湖辯之詳矣愚竊謂太王 泰伯矣屬之泰伯而泰伯以不取為心則剪商之志

次定四車全智 一

情心集

季歷則前商之志季歷從之矣太王啓於先季歷從於 由 ut 後父作子述事处有可成無難者君臣之義泰伯不以 無滅亡之理此其以天下讓商更為何如太王欲傳 之子坦之欲以女與桓温述怒排坦之曰汝真癡耶乃 則身首異處破壞家門小則貶削技荒流離終世王述 君天下大惡也幸而成之公議凛於谷鉞不幸不成大 身維持其間而托於採藥之去我雖不殺伯仁伯仁 我而死充類至義之盡泰伯其得為有君也哉且試 卷入 其事為何如可逆料其不可反而遂逃之耶仁傑周旋 子臣異道非止謂其天合人合義當如此也子之於父 爱太王不如述之爱其子矣聖賢之論曰君有過三諫 欲以女與兵坦之是以不與桓温之禍竊以為泰伯之 挽回馬者父有諍子則身不陷于不義無君一 體而生比之異姓君臣情分有别以光明正大之義 不聽則逃之父有過三諫而不聽則號泣而隨之大 氣相通之親婉順號泣至三至再無不可以感通 一念此

盖旨荆蜜 於異姓之婦人伯不能行於至親之父子且朱子之 孝以事商言則不忠啓天下無君之禍貽家門弑逆之 為而不為自為世子權有可為而不為以事父言則不 俾天下復為唐有太王固非昏暗之武后也仁傑能行 ,則天之朝雙陸不勝之兆姑姪子母之言且能動之 不能以大義回父心吾不信之矣以子事父情有可 曰徳足以朝諸侯而有天下夫足以朝諸侯有天 逃為之也夫子旁通事物之變酌見義理

欽定四庫全書 八

其問絕以春秋法泰伯罪不可逃矣仁傑問旋于女主 得於季歷是泰伯不取商家之天下而任父與第取之 去使太王果成剪商之事則商家天下不得於太王當 質美未學謂之德且不可矣况可謂之至子蓋採樂! 果如剪商說則泰伯潔身而去僅得與申生之恭為類 也春秋書趙盾弑其君任父與第取之不以此身維持 原而顧以至徳稱之哉 1 泰伯論下

銀定匹库全書 太王邑於岐山之下從如歸市不能以有天下乎太王 遂成吳國事料泰伯於商周之際足以朝諸侯有天下 至於成其逆者皆不為之泰伯不得為里賢矣朱子以 巴之志苟謂惟求無愧直遂徑行可以維持左右使不 之朝君子取馬益君子期於成天下之事而不必於明 臣觀多方多士訓殷民者詳矣必三紀而後風俗移易 諸侯有天下之說尤不可曉說者謂周之頑民為商忠 可有天下而泰伯潔身去之謂讓天下於商可乎且朝

太山而四維之矣朝諸侯有天下此必無之事也益子 伯不從之德當祖甲盛時為天下倡率民可知方商室 不遞叛者皆小心翼翼延馬夫紂猶有可延之勢以泰 有天下易易耶三分有二以服事殷說者謂九州所以 為之泰伯當祖甲世去高宗中與未遠又馬能朝諸侯 孟子曰其故家遗俗流風善政猶有存者是以難也泰 牧野之師雖殷民有倒戈之志然猶有前徒交戰之人 伯雖盛德當不過于文王文王值罪惡貫盈之紂不能

遂成吳國之泰伯能朝諸侯有天下乎且推巳之物以 夫可君者翕然歸之又路我于天下一君之上恐知有 多定匹牌全書 仁人之人不如是也歸市之太王不能即遂剪商之心 之人正が人從太王之人也其心知有君臣之義故見 見夫逐成吳國之迹謂可以朝諸侯有天下夫歸泰伯 言泰伯無取天下之理以時言泰伯無取天下之幾徒 曰繼世而有天下者天之所廢必若桀紂故益伊尹問 公不有天下適聖賢六七作之後而天遽棄之郎以德 71 國季歷說武王終有天下故以讓天下推許之無礙也 弁夫子稱許之言有相悖戾不可强通者不若止以讓 想像推之於太王泰伯心事皆不得其實而其時其事 讓尤可知矣夫子之言當不如是朱子憑史記之語而 之思是何以異於盜賊指所未却之家其所積為已有 而姑讓與積財者所用耶大禹太甲成王之天下不可 與人謂之讓指商家未敗之天下為泰伯當得而不 為盆伊尹周公旦所讓周之天下不可謂為泰伯所 取

金炭四库全書 自由制於人而望於人者惟禄馬且云非出處之正吁 其事之在我者一仕於人則制於人制於人則不得以 斯世既貧而無養矣曰農曰工曰商無非資見策也此 此其心何如也君子之仕所以行其義臣子之義分無 人生天地間曰士曰農曰工曰商皆男子事也其事雖 其正者而可以謂之出乎以不正之出懸望禄之思 然士在行道天地間惟道最大故士居四民首士當 孟子為貧而仕議

庭抗禮直若壁立萬仍之不可即者莫非剛且大者為 以進寧復能後其食耶益子平日執不見諸侯之義分 馬亦且行道之端所係耳事君敬其事而後其食為貧 於抱關擊桥之禄由人制者馬大賢君子之所為寧岩 田委吏安然受之而不辭蓋亦順其舉授者而無容心 此哉孔子平日進以禮難於進也退以義易於退也乘 可以生此身者為之可也舍農工商之養自已出區區 此而以言高行道自該失君子出仕義矣天地間無 惻隱之心於親切人必有是非之心是非之心於親真 實理所以然者正以全吾親爱之心又使之不得少肆 其惡其為家國臣民之計詳而密矣人必有惻隱之 能長江大河浩浩然而来矣 欽定四庫全書 斯言 公之處管於諸家皆以為不忍逆探其兄之惡而棄 周公使管叔監殷 竊謂不然舜之處象雖云封之有庫而天子之 出吾恐氣體亦有所不充集義所生者或不

11

謂之 賢子教以義方為賢父尚子朱啓明臣民稱馬竟且以 學稱莫知其子之惡責溺爱者之不明也古稱諍子為 離之故也謂敬於爱兄之心然則舜何以不敬四端必 父知弟子莫若師草居終日而以知友稱亦以親比 之明暗才調之大與小莫不畢照於我而非若他人之 有隨感異應舉天下皆然而周公獨何以得此失彼大 日月 真者非獨詳於此也日夕周旋心術之善否見事 至見其一二而未見其干萬也古稱知子莫若 Ĭ

北美

郵定四庫全書 嚣訟棄之見有真否之别也將謂過惡未著而其志其 聖人之不幸也而其初之必使馬者正其才志之可觀 此其關係若何當何如以計之者監以親親之兄周公 者異心兄弟間而後然哉立亡國之子而求所以監之 於舜人心之藏不可測度雖明聖亦有未能先為之 才有可取者知人則哲維帝其難四古不去於堯而去 **愿事之詳亦可想矣若夫日後之事則所謂維帝之** 兄弟之真見今觀金騰之册公之爱武王何若恩斯勤 別

監我仇人馬獨非聖人之至計也乎天理人情周公之 我子為子之関斯之言哀而切所謂無深泣而道之也 敗處之後其親爱之情尚如此閱墙禦侮之親而使之 也管叔兄也周公之過不亦宜子孟子意或如此無取 慶以為得安國之計矣而寧意其後之至此即周公免 情之外者而公安得逆知之竊以為監殷之舉公必自 被猶在此者附仇人以背懿親管所為有出於天理人 斯之詠公之爱成王何若孩提之童無不知爱其兄在

とこうこう

滥 畢矣然自三代而下垂數千載而奠之行者何井田所 有所資然後為善之心以生日夕有所事然後淫侈之 之人心不能以強通矣 所不能不過也若謂藏於爱兄以至今日稽之古今反 對定匹库全書 不井田而能致天下之治者無是理也何也人必衣食 念不作井田者衣食之資日夕之事返朴選淳之道去 絕訟之原舉賴於此故當以為一井田而天下之事 使畢戰問井地

卒不可行也考之後之稱稽古博識者莫如端臨馬氏 莫已利也因不舉之以為君誦者亦有之舉世相安於 欠こりことに 因循之習竟無經久之計望治之思膠柱鼓瑟宜乎其 記誦之士議及井田情然不知所以行之之故或見其 田以界貧者紛紛籍籍無從下手其講學之臣多詞章 之不詳變通之無法被見夫天下若此其大奪富民之 幾人哉間有欲為民隱之恤失速之計者又苦於考究 以為民而亦無以足國自秦漢而下其心於為民者能 備忘集

金 员 四 库全書 舉不欲知其利病也那不知民間之利病用民之脂膏 病詳悉然後授受可以無弊然則自周而下更於民者 確實其出二公之外而為之議者必能備知問里之利 於斟酌古今究竟利病則莫如老泉水心二公之論最為 其為井田之議謂後之君子每慨嘆世主不能復三代 遷除其歲月有限獨不可舉而久任之乎汙更點胥能 以奉之何用設官分職旁午而縱横之者何為守令之 法以利其民使豪強坐擅無升之利其說固正矣至

搞具本而齊其末端臨于是為失言矣我朝丘文莊有 而 無窮之弊耶商君决裂并田廢壞阡陌以靜百姓之業 選授之姦弊無窮今則然矣井田既行之後而民猶有 乎不反其靜一之故而見夫末流之弊逐舉而棄之不 舞文以亂簿書田里之一 於蘇葉之論而其言曰可於國初人寡之時為之承 日火生齒日繁之後終歸於隳廢程子謂天地間决 其志果若斯言則三代之貢助微法将不静而! 一可覩丈尺可憑或不可

銀定四庫全書 舉目可見量度反掌而行寧能隱之即文莊之見亦端 其成獨不可舉而行之乎謂張載處之有術之言惜其 要妙隱而未發吁三代行之其為日若此其父也地里 之食而猶可以取給事可知矣隨時制宜而不失先王 之制歷舉貢助以為滕文誦孟子之所云潤澤不如是 之見也誤之者蘇葉而二公之言尤自可笑周禮 丁田相配取效於數百年之後井田以漸為之而俟 多地少之理今之糜費五穀計當數倍吾民日夕

鄙 同間廣二尋深二仞謂之涂專達於川康成以為此 方十里為成成間廣八尺深八尺謂之洫方百里為同 近 有路以達於畿鄭康成謂此鄉逐用溝洫之法也 郊 有洫洫上有涂千夫有沧湾上有道萬夫有川川 用井田之法也用之野外縣都此蓋以平原曠野之 凡治野夫間有逐逐上有徑十夫有溝溝上有畛百 行助法以山林陵麓之地行貢法然非貢助 鄉逐匠人九夫為井井間廣四尺深四尺 Ŧ 謂之溝 用之 都

銀定匹庫全書 ➡ 谷夷丘陵破墳墓壞廬舍徙城郭易疆隴而後可為聖 寧若此愚癡不通耶必九百畝而後井必方百里而後 為高处因丘陵為下必因川澤謂聖人也而所行之事 王之井田將塞之平之夷之壞之易之而後為之也即 此而不易也昔朱子論建國謂必依山川形勢無截然欽定四庫全書 可方之理孟子若夫潤澤正此意也心若塞溪壑平 随田之廣狹而為多少之授可井則井不可井則 不足於九夫之地百里之同而可耕可植者將棄之

たこうここう 今之計不必訪求故堰遺陂之已廢者按今日之土田 井田之名也人必有田而不必於井者井田之實也觀 野行助法國中十一自賦聖人變通之權可想見矣為 糧窮數百年專力於此不治他事宜乎其然矣井田者 謂井田成而民之死其骨已朽驅天下之人竭天下之 通之見而議古法難乎其為古矣所見之奸若此則其 **必野而行賦不必國中而行此聖人之法也二氏以不** 夫二夫當之可同則同不可同則百夫干夫當之助不 備忘集

金少四月全書 更骨之姦弊可稻正不必慈祥如龔黃精明如張趙而 為久遠之計既定之後舉簿書以驗田土度地不定則 矣横渠曰世之病難行者未始不以亟奪富人之田為 亦可以濟斯世於虞周之盛區斯民於樂樂利利之中 军縣令一以井田為事其織悉又属之一里之長不以 隨地區畫舉周禮大司徒所謂不易之地家百畝小司 今日紛紛之病而沮其必行之心必委曲以力行而求 上地家七人與夫大宰九職任萬民者而酌用之守

辭蓋謂其或以召亂也然天下富人多乎貧人多乎田

并而貧者得免奴佃富家之苦吾知其欣役必矣王者 之口反覆晓諭委曲變通必無召亂之事也然則數世 决可復於後世者該夫有同然之心而不必恤其衆多 而不奪其上下之養彼亦安得而違之竊以為井田之 固有滅人之族沒人之産而東手聽者取其有餘之田

之後而其子孫眾多不可以死徒無出鄉之法行之者

何曰物之不齊物之情也自夏后以至八百年之周 己日年在前一

裁變通之而已要之不能以一一如意而較之田不井 近 **必在可行而無疑也** 朋與有故則羣横是盗其相去萬萬矣愚故以為斷然 金岁正月白電 其間獨無若此者乎然要在冗有田宅而不失所養化 其本而齊其未之論若夫執溝油井同之法而謂今 今論并田之難者惟強奪民田以召怨龍 似舉今日更骨無窮之弊守室連徙不常之由乃不 遇災旱而民之輾轉溝壑白骨遍野平時則好偽 語 為稍

设之四事 A 与 定則心志一風俗成其所以維持之者不難矣然則奚 於其中者復為之維持馬井田之可行也必矣制度 舉封建而行之乎曰父守宰之任而一里之長長子孫 與樂成矣然封建所以維持井田者也田欲井授亦將 治可定今日太平之業必世後仁之化舉須於此彼夫 通之甚者也夫人貧富不相耀以和其心而后天下 日之地非古昔平原之區者以膠柱鼓瑟而論聖人不 所同然而口之怨懿固不处恤也力而行之而民 欄を集

教民於後有養而後教行馬若井田自為養库序自為 狹彼此如一而無不方民志之定何如程伊川傳乃嘆 下辩民志定教之成也一夫百畝之田百畝外不能 皆以井田為聖王之養库序為聖王之教養民於先 封建為哉 不相涉矣然易履卦君子象之以辯上下定民志上 世自士庶至於公卿日志於尊榮農工商賈日志於 末五畝之宅五畝外不能加毫末上下四旁長短廣

烫足四車全島 持此為觀法借此為口實用是風俗日流莫知紀極法 人賢士口談道義者皆不能絕去為富不仁之心小民 行則民貧富不相耀而心和矣生長所習見而志定矣 不能止大抵皆厚田宅豐衣食美妻妾一念便之有此 欲其不亂難矣降至今日較伊川言殆又甚馬所稱名 富侈億兆之心交鶩於利天下紛然如之何其可一也 念又皆田宅無分界人人得以自買自賣致馬井田 人以富人觀欲天下為悲止此田宅更何欲可觀

然交舊於利彼身當教化之責者亦惟利是馳制度非 校不過成教於終一井田而天下之事畢矣後世紛 有若此嘗謂井田立而先王之教斯過半矣天下之治 過企之心減矣井田未常教民而域民於教教道之 者欲過貧者欲企雖有其心而蓋無其由也無其由而 人以彼民情見美則悅為嘆止此田宅更何美可悅富 詳教戒非不切也以言相禁實則別以心相傳夫曰 田為之學校不過輔真之先王之教井田教於始學 妙

Ų

ルバー

飲定四車全書 論性不論氣無以見其生愈之異論氣不論性無以見 質質無於中程子所謂二之則不是相近一言盡之矣 鼓舞民志不定迄無成功不若竭力為一井田以復唐 教之夫日教之云者是亦空言而已天下如之何其能 孔子論性曰性相近習相遠雖未一一剖析而天命氣 虞三代之治不可以王莽王田増紛擾借口也 治即井田盡天下之事與其竭力為庠序為教約百端 孟子道性善 備·治县 四十

辯之不能詳使之非告子諸人故屢變以求勝也說者 彼亦有所驗之於心証之天下也程張生於戰國一言 性善之說夫人之所以信服於人服其心也服其心者 中燦然者著馬聖人之言妙矣孟子論性區區然執一 也言性又不可不合而為一合之而未當不分渾然之 安頓曰理曰氣無離合無先後性即在氣質中非二物 夫義理之同言性不可不析而為二無氣則此理無處 而告子服矣告子不為孟子服者實孟子言之執於一

春秋時俗較去戰國不遠孔子稱性相近繼之曰 敗之四年亡事 水之說辯之不詳亦徒多言而無益也 受之理謂之仁心之制事之宜謂之義區區執敬酌湯 可得而矯矣告子所謂仁内義外乃不知仁義二字字 不欲矯正之耶不正言以屈其心欲反言而矯其失不 智與下愚不移周流不舍孔子救世之心亦均 謂孟子時當戰國人欲橫流不得不執性善之說矯馬 所謂 不知仁義二字義固欲反之孟子不曰心之德 切矣將 惟上

善謀不能使人信吾性善之就是則孟子之過也 從古未有言及養氣者而益子言之古有說隨上客之 謀也孟子之功大矣然理氣不相離而離言之知為性 知體認此性充廣此性該該然不一而止無非為性善 抑被如說夜氣欲人知涵養此性說四端說擴充欲人 知之矣荅告子諸人獨不一言及之蓋孟子意欲伸此 孟子有命也有性馬君子不謂命之說於氣質之性既 金少せ、たるって 鄉愿亂德

愿若為身害故言之詳惡之痛今天下惟鄉愿之教入 **火已印度 1元万**♥ 後得中道善處世則必鄉愿之為而已所稱賢士大夫 羣然稱僻性稱所行大過者多是中行之士 謂如此然 愿假其浩然之氣以從俗浩然之氣孟子身有之見鄉 不為大惡必為鄉愿事在一時毒流後世鄉愿之害 不免取道鄉愿調停行之鄉愿去大奸惡不甚速今 最深几處已待人事上治下一以鄉愿道行之世俗 備忘集 I

即鄉愿意也亦無有若孟子之論剴切痛快者盖鄉

不在禹下當以惡鄉愿為第 此說者謂孟子擴前聖所未發指養氣言也孟子之功 備忘集卷